

近代中國史料叢刊第八十三輯

沈雲龍 主編

直東剿匪電存

林學瑛輯

文海出版社
有限公司印行

光緒丙午

國朝新集圖



庚子拳匪之禍審其萌蘖實始於戊戌其年九月 長白裕
制軍初蒞畿輔即與山左雷牘往來合籌勦辦而朝議方持
兩端既 項城袁宮保戡定東境直亂仍未盡戡庚子四月
涿良事起當軸乃專主撫於是義名所被勢成燎原五月十
五二十等日

京師遂有焚殺之變維時學城主簿海河兗官末秩不足與知
當世之務二十二日以後外侮愈棘 制軍命從事戊幕因
得竊閱緒論乃於雷牘所載有關勦匪顛末者輒自手錄軍
書旁午日昃不遑及綫杆被毀僅得往來原電六百餘則追

隨礮雨槍林濱於十死而此表迄未散佚復乞諸公子敬甫
觀察出摺片各稿登之冠首合成五卷嗟夫天下事所聞異
辭所傳聞又異辭惟實見之施行者終始不可磨滅簡策之
存殆非無故也其間憂國諸賢與當局者諮議殷勤固已深
衷若揭後之君子瀏覽斯編慨然於肇禍致釁之由庶幾為
論世知人之一助已閩南林學瑛謹識

直東勦匪電存

卷首恭錄

諭旨六道摺片八件

卷一自光緒二十四年九月十五日起至二十五年年

底止計一百七十八則

卷二自二十六年正月起至四月止計一百三十四則

卷三自五月初一日起至初七日止計一百七十九則

卷四自五月初八日起至十七日止計一百八十一則

按當時羽檄交馳公牘繁多劫餘僅存四卷其間電

三
錄
目
錄
目
錄
碼有無舛誤次序有無參錯倉卒所錄未能更訂惟
姓氏及日期時刻已見於前者後不重叙以昭簡易
學域謹註

光緒二十四年

十月初六日

總署來電 戌刻到

奉

旨直東邊境拳民時與教民為難隱患甚巨茲據裕祿電稱廣平
拳民姚洛奇於冠縣威縣一帶勾匪鬧教業經拏獲審辦該黨
結會眾多一旦藉端滋事勢將不可遏抑著張汝梅密飭地方
文武加意彈壓隨時防範以弭弊端仍著裕祿將撫恤保護一
切事宜妥籌辦理毋稍大意欽此魚初五日致總署電列後

二十六年

二月二十六日

劾東強凌令縱放拳匪片

再自上年夏秋以來山東邊界時有拳匪滋事之繁直隸河間深冀等屬與東省毗連之處亦漸被匪徒誘惑習拳滋事全在地方官妥為諭禁解散被惑愚民查拏滋事首要方足以資綏靖迭經奴才嚴飭各牧令認真辦理乃訪聞正任東強縣知縣凌道增上年冬間於飭緝該縣匪首王慶一一犯並不認真緝拏且有任聽該匪首出入衙署致令聞拏逃逸

情事即經飭令藩臬兩司派員密查茲據該司等委員查覆該員凌道增因該縣有拳匪馬玉堂等與教民滋事之案聽信家丁吳浚川之言以王慶一係拳民教師令其出為處和遂任聽王慶一出入衙署迨兵役由景州往緝該匪首業已遠颺各情訪查均係屬實至王慶一脫逃是否吳浚川暗與送信採訪輿論僉稱事涉私密不能確指若以情形而論不無可疑現吳浚川於凌道增撤任後即不在縣應查緝到案訊明究辦等情由藩司廷杰臬司覺羅廷雍請將正任棗強縣知縣凌道增奏參前來奴才查該員凌道增於民教滋事

之案並不妥為查辦輒聽信家丁吳浚川之言令拳匪王慶一出為處和已屬辦事乖謬迨經景州兵役赴該縣查緝王慶一又致聞風脫逃更難保非該署家丁吳浚川暗通消息該員有縱匪不拏情事除飭嚴拏匪首王慶一暨該縣家丁吳浚川務獲訊明究辦外相應據實奏參請

旨將棗強縣知縣凌道增即行革職仍俟拏獲匪首王慶一該縣家丁吳浚川到案訊明有無迴護縱匪情弊再行照例擬辦謹附片具陳伏乞

聖鑒訓示謹

奏奉

硃批凌道增著即革職餘依議欽此

三月初十日

嚴禁設場習拳片

再光緒二十六年正月二十二日承准軍機大臣字寄光緒二十六年正月二十日欽奉

上諭總理各國事務衙門奏請飭嚴禁拳會一摺上年據山東巡撫電稱各屬義和拳會以仇教為名到處滋擾並及直隸南境一帶疊經諭令直隸山東督撫派兵彈壓此種私立會名聚眾

生事若不嚴行禁止恐無知愚民被其煽惑蔓延日廣迨釀成
巨案不得不用兵勦辦所傷實多朝廷不忍不教而誅著直隸
山東各督撫剴切出示曉諭嚴行禁止俾百姓咸知私立會名
皆屬違禁犯法務宜革除惡習勉為良民倘仍有執迷不悟復
蹈故轍即行從嚴懲辦勿稍寬縱至民教同是編氓凡遇詞訟
案件該地方官務當秉公審斷但分曲直不分民教不得稍有
偏倚用副朝廷一視同仁之至意等因欽此並准總理各國事
務衙門鈔錄原奏咨會前來奴才伏查直隸河間深冀一帶
毘連山東前聞有義和拳會蔓延直境設場練拳滋擾教民

當經派委分統淮軍右翼新授貴州提督梅東益候補道張
蓮芬帶隊前往督同地方官妥為彈壓解散並於有教堂之
所撥隊保護疊經該提督等將設立拳場煽惑滋事首要匪
犯拏獲交由地方官懲辦其無知愚民被誘入會習拳者均
令取具妥保不准再行演習其民教交涉之案並飭地方官
迅速持平理結欽奉

寄諭即經奴才恭錄

諭旨剴切出示曉諭嚴行禁止分發各州縣徧為張貼仍於各屬
派撥營隊認真巡緝如有私立會名設場習拳情事即行隨

時查禁不准稍涉疎懈除已將告示鈔咨總理各國事務衙門查核外所有遵奉

諭旨出示嚴禁拳會緣由理合附片覆陳伏乞

聖鑒謹

奏奉

硃批知道了即著隨時認真查禁毋稍疎懈欽此

四月十八日

遵

旨籌議據實覆陳摺

奏為遵

旨籌議據實覆陳恭摺仰祈

聖鑒事竊奴才於光緒二十六年四月初五日承准軍機大臣字

寄光緒二十六年四月初三日奉

上諭有人奏義和團蔓延日甚請飭籌辦團練一摺據稱直隸山東兩省拳民殆徧將及近畿數月以來仍未解散請飭派員辦理團練以弭隱患等語所奏是否可行著裕祿袁世凱各就地方情形通籌妥議據實覆奏總期消患無形毋任聚眾滋事致啓弊端亦不得強勉從事徒滋紛擾原摺均著鈔給閱看等因

欽此奴才查核原奏條陳各節自為安輯民情消弭隱患起見
惟良民農隙講武練習拳棒自衛身家原為例所不禁而游
手好閑不務本業之流自號教師演弄拳棒教人學習遍游
街市射利惑民應嚴行禁止如有不遵凡教誘之人及隨同
學習者則罪應分別流徒例禁嚴團練本古人守望相助
之義良民為之則足以互相聯絡保衛鄉里莠民為之則必
致恃眾生事流弊無窮其中良莠之分不可不詳審區別義
和拳會始自山東其傳習拳棒者皆係無籍游民託言持符
念咒能以降神附體金刃不入槍礮不傷游行各處誘惑鄉

愚拜師傅徒立廠設壇聚眾而演習其所供奉之神大都採擇稗官小說之人穿鑿附會荒誕不經並知各處民教多因雀鼠之訟口角之爭積有嫌怨故假以仇教為名使其言易於動聽甚至編寫無名揭帖捏造謠言或云奉會思逞定期拆毀教堂以恐嚇教民或云教堂害人井中置毒以煽惑鄉愚種種所為無非為誑騙錢文牟取衣食之計此等教奉匪徒經地方官獲案訊驗並無真實本領所傳率係十餘歲幼童閉目跳舞狀若癡癩所演拳棒毫無門路究之信者概係鄉間愚蠢之人稍明事理者不為也似此無知愚氓其技既

無可取而其教習之人又皆匪類用為團練未必能奉公守法而公正有為之紳士亦斷不肯出為倡導且該拳會方以仇教為名屢與教堂構衅若再假以官勢更恐恃眾生事外人益有所藉口詳度情形如原奏所稱委道府正佐各員督率辦理因其私團而官練之行之似非所宜竊維鄉民習學義和拳皆由外來匪徒所誘惑教民倚恃洋人庇護與鄉民結怨者到處皆有鄉民謂此可以抵制教民欺侮因而傳習漸廣匪徒即藉此布散謠言與教民為難地方文武一有所聞立往查辦其所報之處有事出有因者有全係謠言者並

有教民與鄉民向有嫌隙欲藉此中傷亦有彼此相疑羣聚防備者其河深蕪等處自派提督梅東益道員張蓮芬督同地方官彈壓勸諭拏獲滋事匪徒分別懲辦仍分撥駐防營隊會同地方官加意巡察毋令散而復聚此風已漸次止息惟保定一帶尚有民教不和構衅生事之案業飭秉公查辦現惟仍當飭令提督梅東益道員張蓮芬等隨處稽查督同地方各官切實開導如查有學習拳技之處謹遵前奉

諭旨祇論其匪不匪不問其會不會分別妥為辦理既不可姑息養奸亦不可累及良善至民教不和亦實由於習教者率多

莠民往往藉洋人為護符欺壓鄉里以致人心積忿不平正本清源之計尤要在遇有民教爭執之案該地方官持平審斷只論是非不分民教有洋教士出而干預者申明約章以理辦駁不存敷衍遷就之見方可盡釋猜嫌共啟輯睦其各屬保甲團練聯莊等事仍當嚴飭各該地方遵照定章選派公正紳耆督率良民實力舉行認真經理以仰副

朝廷保安黎庶消患無形之至意所有遵

旨善議據實覆奏緣由理合恭摺具陳伏乞

皇太后

皇上聖鑒訓示謹

奏

四月二十五日

致總署電

總署鈞鑒本月十五日涇水之高洛村定興之倉巨村拳匪滋事傷斃教民焚燒房屋當派道員張蓮芬練軍分統楊福同帶領兵隊前往查辦旋在高洛拏獲拳民二十名起獲符袋及黃紙牌位器械等件曾將辦理情形電達鈞署在案連日該道等查拏捕緝並搜獲教民屍身數具高洛倉巨匪徒

漸已解散復又聞定興縣屬之石亭地方有匪徒聚眾設立
拳廠之事二十三日分統楊福同前往勸散查禁該匪抗拒
當經拏獲二名餘眾均散二十四日又散而復聚楊福同帶
隊七十人復往勸導詎該匪等均匿村外於楊福同甫抵村
外匪眾數百人突起圍住持械猛撲用長矛將楊福同連扎
致傷墜馬旋即殞命該匪等仍復進村負隅抗拒查該拳匪
等聚眾設廠藉仇教為名燒殺搶掠擾害地方並膽敢恃眾
戕官實屬窮兇極惡法所難容若不予以懲創必致頑梗者
益肆強梁被脅者難於解散現在匪徒肆行無忌亟應添調

營隊分布涑水定興安肅涿州一帶查拏首要解散脅從如
敢再行抗拒即飭嚴行勦捕以免致成巨患至分統楊福同
勸諭聚眾拳民遽致被匪戕害實堪憫惻除飭查明該員死
事詳細情形奏請恩卹外所有涑定拳匪滋事情形謹請代
奏裕祿有

四月二十七日

總署來電申刻到

北洋大臣奉

旨裕祿電悉查拏首要解散脅從辦法均是此事各處情形不同

速就適足養奸操切亦恐滋變該督務當嚴飭派出文武相機
操縱勿稍大意是為至要餘依議欽此感

五月初一日

致總署電

總署鈞鑒頃據蘆保鐵路委員知府夏人傑面稟二十九夜
聞涿州至琉璃河一帶猝被拳匪將鐵路焚毀詎今早由琉
璃河至長辛店一百餘里沿途鐵道車站橋梁並局所洋房
均有拳匪蜂起焚燒三河店所住洋人二十餘人現尚不知
下落豐台黃村勢甚危急等語裕祿現急由津先撥步隊一

營今日坐火車趕往豐台黃村一帶保護鐵道惟匪勢甚眾
恐兵單不敷彈壓捕擊而天津除撥赴涇定河間等處外營
數無多尚須留防租界擬即商令聶士成親帶所部馬步數
營至豐台長辛店一帶相機查辦以免滋蔓難圖謹請代奏
裕祿東

五月初二日

總署來電 酉刻到

北洋大臣奉

旨近日拳匪滋事琉璃河至長辛店一帶車站局廠均被焚毀亟

應懲前毖後認真彈壓著裕祿飭令聶士成將盧保津盧兩路
江 電綫鐵道專派隊伍妥為保護毋任再有疏虞是為至要欽此

五月初七日

總署來電 申刻到

北洋大臣奉

旨裕祿電悉盧保鐵路工司洋人據法使畢威比使姚士登赴總
署稱被戕四人受傷四人是否屬實著即詳查明確電知總署
查照欽此虞

五月初十日

致總署電

總署鈞鑒奉匪自焚毀鐵路電桿後匪勢頓形猖獗涿州聚匪尤多勾結黨類肆行滋擾如任邱霸州東安永清等處與教民尋仇迭次燒殺搶掠甚至戕害洋人近則靜海青縣亦屬響應明目張膽不服勸諭竟敢在天津縣屬之郭家村焚殺教民官兵前往查禁列隊抗拒雖經派隊擊走而天津靜海附近一帶尚未解散至於盧保津蘆鐵路有兵分守仍敢肆意焚毀拒捕傷兵其兇悖情形實屬法所難宥現在各處

拆毀教堂各國洋人已甚憂憤而天津租界之洋人尤深驚
恐屢以中國辦理太鬆欲派兵助勦為言此時我軍自行勦
辦尚可操縱自如若至外人干預則事更難措手且與國體
有關目覩情形拳匪如此鴟張不止專與教民為難斷非僅
恃勸導所能解散趁此匪勢初起必須勦撫並用尚可尅期
而定帶兵之員如再存因循姑息之見必致釀成大患不可
收拾惟有請

旨飭諭聶士成暨帶兵各員先於涿州定興一帶拳匪聚集之處
探明巢穴迅速認真勦辦不得遷延觀望致誤事機其果係

脅從者亦即查明解散以免株累謹請代奏裕祿蒸

又致總署電

總署鈞鑒奉初九電查黃村車站被燬情形等因祿於初八
午間聞該站被燬即飭鐵路局確查現據查明初八日寅刻
突有匪徒持械到黃村車站放火聶軍左路後營管帶張繼
良率兵兩哨彈壓勸阻該匪等不服膽敢率眾抗拒我軍上
前捕擊因匪聚眾多被圍致該軍傷亡八十餘名餘隊逃至
郎坊計焚毀車站一所旱橋一座電綫數十根等情查該匪
等滋擾鐵路電桿均已派隊按站設防惟匪勢猖獗必須添

撥隊伍方足鎮懾現已由聶士成調前右兩路各營開赴楊村相機分布妥籌辦理謹請代奏裕祿蒸

五月十三日

聶提台急電丑刻到

榮中堂天津大帥鈞鑒頃探拳匪偷渡保營徑襲天津劫我軍後路關係甚大非痛勦不能支拄不及請

督馬步隊攔頭截擊然後次第勦捕以維大局伏乞代奏士成謹電元

軍機大臣 字寄

直隸總督裕 光緒二十六年五月十七日奉

上諭天津一帶電桿現被匪徒折毀不少著裕祿即行電商盛宣懷迅派妥員尅日集料興工逐段修復其電桿未經復設以前所有津沽近日情形及外來消息著即按段添設馬撥逐日知照軍機處以期呼應靈通至津盧鐵路現聞洋人有干預修復之說亟應自我復設免致授人以柄著裕祿會商許景澄張翼迅速勘修所有修復電綫鐵路兩項事宜並著裕祿酌派得力隊伍隨時認真彈壓毋致再有阻抗將此由五百里諭令知之欽此遵

旨寄信前來

軍機大臣 字寄

直隸總督裕 直隸提督聶 升授喀什噶爾提督天

津鎮總兵羅 光緒二十六年五月十七日奉

上諭前據裕祿報稱日內有洋兵千餘將由鐵路到京等語現在近畿一帶土匪滋事辦理方形棘手各國使館先後到京之兵已有千餘名亦已足敷保護倘再紛至沓來後患何堪設想著裕祿迅將聶士成一軍全數調回天津附近鐵路地方扼要駐紮倘再有各國兵隊欲乘火車北來責成裕祿實力禁阻並著

旨寄信前來

聶士成整齊隊伍備豫不虞其大沽口防務並著督飭羅榮光一體戒嚴以防不測如有外兵闖入畿輔定惟裕祿聶士成羅榮光等是問將此由五百里各諭令知之欽此遵